

AUGLÝSING

um staðfestingu reglugerðar fyrir Tónlistarskólann Laugum.

Með vísan til 2. gr. laga um fjárhagslegan stuðning við tónlistarskóla, nr. 75/1985, staðfestist hér með reglugerð fyrir Tónlistarskólann Laugum, sem samþykkt var af sveitarstjórn Þingeyjar-sveitar hinn 29. október sl. og birtist sem fylgiskjal með auglýsingu þessari.

Auglýsing þessi öðlast þegar gildi.

Mennta- og menningarmálaráðuneytinu, 8. desember 2009.

Katrín Jakobsdóttir.

Ásta Magnúsdóttir.

Fylgiskjal.

Reglugerð fyrir Tónlistarskólann Laugum.

1. gr.

Skólinn heitir Tónlistarskólinn á Laugum. Skólinn er eign Þingeyjarsveitar og fer sveitarstjórn Þingeyjarsveitar með yfirstjórn hans. Skólinn starfar samkvæmt lögum um fjárhagslegan stuðning við tónlistarskóla nr. 75/1985, með síðari breytingum.

2. gr.

Markmið skólans er að veita almenna tónlistarfræðslu, stuðla að iðkun tónlistar og vinna að eflingu tónlistarlífs í Þingeyjarsveit.

Þessum markmiðum hyggst skólinn meðal annars ná með því að:

halda uppi kennslu, í sem flestum greinum tónlistar, þar sem nemendum er gefinn kostur á stunda nám eftir því sem aðstæður leyfa og með samvinnu við aðra skóla og uppeldis-stofnanir um þessa fræðslu;

búa nemendur undir framhaldsnám í tónlist;

gera fullorðnum íbúum svæðisins kleift að auðga tómstundir sínar með tónlistariðkun eftir því sem kostur er;

leggja áherslu á félagslegt gildi tónlistariðkunar með þátttöku nemenda í samleik og samsöng;

skólinn eigi hljóðfæri sem verði leigð nemendum eftir því sem kostur er.

3. gr.

Sveitarstjórn kýs fimm menn í fræðslunefnd og jafn marga til vara til fjögurra ára í senn að loknum hverjum reglulegum sveitarstjórnarkosningum. Fræðslunefnd fer með málefni tónlistarskólans eins og annarra skóla sveitarfélagsins.

4. gr.

Sveitarstjórn ræður skólastjóra og aðra fasta starfsmenn að fengnum tillögum fræðslunefndar. Stundakennara og aðra starfsmenn, sem ráðnir eru til skemmri tíma, ræður skólastjóri í samráði við sveitarstjóra og fræðslunefnd, enda liggi fyrir samþykki sveitarstjórnar fyrir þessum stöðum sem í er ráðið við skólann. Um laun, viðverutíma og vinnuskyldu skólastjóra og kennara fer eftir gildandi kjara-samningi milli Félags tónlistarkennara annars vegar og launaneftdar sveitarfélaga hins vegar.

5. gr.

Skólastjóri og fræðslunefnd hafa forystu um að móta listræna og faglega stefnu skólans. Skóla-stjóri fer með daglega stjórnun. Hann ber ábyrgð á að skólastarfið sé í samræmi við samþykktu

kennslu- og fjárhagsáætlun. Hann skal framfylgja samþykktum fræðslunefndar enda samrýmist þær fjárhagsáætlun skólans. Skólastjóri ráðstafar húsnaði og hefur yfirumsjón með eigum skólans. Skólastjóri kemur fram fyrir hönd skólans gagnvart starfsmönnum og nemendum svo og aðilum utan skólans. Skólastjóri skal skila vinnuskýrslum starfsmanna til skrifstofu sveitarfélagsins og árita reikninga til greiðslu.

6. gr.

Skólastjóri skal í nóvember ár hvert gera kennsluáætlun næsta skólaárs í samráði við fræðslunefnd. Skólastjóri skal semja drög að fjárhagsáætlun fyrir sveitarstjórn til endanlegrar afgreiðslu.

7. gr.

Rekstur skólans skal greiðast með fjárveitingum á fjárhagsáætlun Þingeyjarsveitar, skólagjöldum nemenda og öðrum þeim tekjum sem skólanum kunna að áskotnast. Skrifstofa sveitarfélagsins annast greiðslur launa og rekstrarreikninga, sem og bókhald tónlistarskólans.

8. gr.

Starfstími skólans er níu mánuðir árlega. Leyfi yfir starfstímann skulu vera þau sömu og í Litlulaugaskóla. Foreldrafélag Litlulaugaskóla er jafnframt foreldrafélag tónlistarskólans.

9. gr.

Að jafnaði skal ekki krafist inntökuprófs í skólann, en skólinn áskilur sér rétt til þess að víkja nemanda úr skólanum ef kennari eða skólastjóri telja hann ekki sýna þá hæfni eða ástundun sem þeir telja nauðsynlega til árangurs.

10. gr.

Skólagjöld eru ákveðin af sveitarstjórn að fengnum tillögum fræðslunefndar. Skólagjöld skal greiða í upphafi hvernna annar og geta nemendur einungis fengið skólagjöld endurgreidd ef þeir hætta námi vegna veikinda eða brottflutnings.

11. gr.

Nemendur skulu taka þátt í tónleikum skólans eftir tilmælum skólastjóra eða kennara. Ennfremur ber nemendum skylda til að taka þátt í samleik eða samsöng sé þess óskað.

12. gr.

Reglugerð þessi er samþykkt af sveitarstjórn þann 29. október 2009.